

SIARAN AKHBAR

Bahagian Hal Ehwal Awam dan
Komunikasi Korporat Kumpulan
Lembaga Tabung Haji
Lantai 16, Bangunan Tabung Haji,
201, Jalan Tun Razak, 50732 Kuala Lumpur
Tel :03 2054 2132
Faks :03 2164 0436

Tabung Haji Contact Centre
Tel :03 6207 1919
Faks :03 7728 4959

www.tabunghaji.gov.my

TH LANTIK PENGARAH EKSEKUTIF (PELABURAN) BAHARU

KUALA LUMPUR, 11 Januari 2021 – Lembaga Tabung Haji (**TH**) hari ini sukacita mengumumkan pelantikan Encik Mohamad Damshal Awang Damit sebagai Pengarah Eksekutif (Pelaburan) baharu berkuatkuasa 11 Januari 2021.

Encik Mohamad Damshal sebelum ini adalah Ketua Pegawai Pelaburan **TH** dan berpengalaman lebih 27 tahun dalam industri pelaburan tempatan dan luar negara. Seorang Penganalisis Kewangan Bertauliah atau *Chartered Financial Analyst* (CFA), beliau juga adalah bekas anggota **TH**, berkhidmat sejak 1999 – 2003 dalam perancangan korporat dan mengetuai pengurusan pelaburan pendapatan tetap.

Datuk Nik Mohd Hasyudeen Yusof, Pengarah Urusan Kumpulan dan Ketua Pegawai Eksekutif **TH** berkata, **TH** mengambil kira pengalaman dan kepakaran anggota dalamannya untuk menyandang jawatan dalam pengurusan kanan sekaligus selari dengan Pelan Rancangan Penggantian yang sedang dibangunkan.

“Dengan pelantikan Mohamad Damshal, Pengurusan Kanan **TH** yakin kepakaran beliau dalam aspek pelaburan dapat membantu **TH** menghadapi persekitaran ekonomi yang sangat mencabar berikutan kesan dari wabak Covid-19. **TH** juga sedang menumpukan usaha untuk melahirkan lebih ramai bakat pengurusan professional selaras dengan matlamatnya untuk menjadi sebuah institusi Islam yang dihormati kerana pencapaian dan tadbir urus.”

“Saya juga ingin mengucapkan terima kasih kepada Tuan Haji Hizammuddin Jamalluddin yang sebelum ini menyandang jawatan tersebut. Komitmen berterusan dan kepakaran yang beliau sumbangkan sememangnya amat berharga kepada **TH** dan kami ucapkan selamat maju jaya untuk kerjaya baharu beliau,” tambah Datuk Nik Mohd Hasyudeen lagi.

-Tamat-

LEMBAGA TABUNG HAJI

Lembaga Tabung Haji (**TH**) merupakan sebuah badan berkanun yang ditubuhkan oleh Kerajaan Malaysia pada tahun 1963 dan ditadbir berdasarkan Akta Tabung Haji 1995 (Akta 535). **TH** menyediakan kemudahan bagi umat Islam di negara ini menyimpan wang untuk mengerjakan haji. **TH** mempunyai lebih 50 tahun pengalaman dalam perkhidmatan simpanan, haji dan pelaburan. Sebagai sebuah institusi haji terunggul negara, **TH** berusaha untuk mengukuhkan ekonomi umat Islam Malaysia dengan memanfaatkan dana dan sumber sedia ada. **TH** komited memberi perkhidmatan cemerlang dan memuaskan kepada semua Jemaah Haji Malaysia. Pencapaian **TH** yang konsisten telah mendapat pengiktirafan dunia sebagai model pengurusan haji inovatif. **TH** mempunyai lebih 9 juta pendeposit dan 125 cawangan dengan lebih 10,000 'touch-points' di seluruh negara. **TH** juga mempunyai sebuah pejabat yang beroperasi di Jeddah, Arab Saudi di bawah Konsulat Malaysia.

Untuk maklumat lebih lanjut mengenai perkhidmatan Tabung Haji, sila lawati www.tabunghaji.gov.my atau hubungi Tabung Haji Contact Centre di talian 03-6207 1919. Keterangan lanjut mengenai siaran akhbar ini, sila hubungi:

Affan Aimaduddin Azami Eksekutif Bahagian Komunikasi Korporat Lantai 16, Menara TH Tun Razak 201 Jalan Tun Razak Kuala Lumpur Tel: 03 2054 2238 Tel. Bimbit: 019 984 7138 Faks: 03 2164 0436 Emel: affan.aimaduddin@lth.gov.my	Mohamad Naser Jaffar Pengurus Kanan Bahagian Komunikasi Korporat Lantai 16, Menara TH Tun Razak 201 Jalan Tun Razak Kuala Lumpur Tel: 03 2054 2451 Tel. Bimbit: 019 200 8438 Faks: 03 2164 0436 Emel: naser@lth.gov.my
---	---